



Ruj. Tuan : JKWPKL.G.600-40/1/5 Bhg.8 (122)

Ruj. Kami : JPWPKL.600-10/2/6 Jld.4(8)

Tarikh : 30 April 2021

**Dr. Noormi binti Othman**

Pengarah Kanan (Kesihatan Pergigian),  
Kementerian Kesihatan Malaysia,  
Program Kesihatan Pergigian,  
Aras 5, Blok E10, Komplek E,  
Pusat Pentadbiran Kerajaan Persekutuan,  
62590 Wilayah Persekutuan Putrajaya.

YBrs. Dr.,

**MEMOHON KEBENARAN MELAKSANAKAN PENDIDIKAN KESIHATAN PERGIGIAN DALAM TALIAN (PKPDT) KEPADA MURID PRASEKOLAH, SEKOLAH RENDAH DAN MENENGAH.**

Dengan sukacitanya perkara di atas dirujuk dan surat YBrs. Dr. bertarikh 23 April 2021 serta surat dari Bahagian Sektor Operasi Sekolah, Kementerian Pendidikan Malaysia KPM.600-8/2/7Jld.18(28) bertarikh 18 Februari 2021 adalah berkaitan.

2. Dimaklumkan bahawa Jabatan Pendidikan Wilayah Persekutuan Kuala Lumpur (JPWPKL) **tiada halangan** untuk memberi kebenaran kepada pihak YBrs. Dr. melibatkan **murid-murid** dari **pra sekolah, sekolah rendah dan menengah** sekitar Wilayah Persekutuan Kuala Lumpur dalam program **Pendidikan Kesihatan Pergigian** yang akan diadakan secara **atas talian** bertempat di lokasi masing-masing.

3. Walau bagaimanapun, pihak YBrs. Dr. diingatkan untuk mengambil langkah-langkah bersesuaian serta mematuhi arahan dari Kementerian Kesihatan Malaysia, Kementerian Pendidikan Malaysia, Kementerian Komunikasi dan Multimedia Malaysia serta pihak berkuasa tempatan dalam mengawal penularan penyakit berjangkit dan menjaga kerahsiaan maklumat peribadi peserta.

4. Pihak YBrs. Dr. juga adalah tertakluk kepada syarat-syarat di dalam **Surat Pekeliling Ikhtisas Kementerian Pendidikan Malaysia Bil. 5 Tahun 2018 – Garis Panduan Perwakilan Kuasa Daripada Ketua Pendaftar Institusi Pendidikan Dan Guru Kepada Pendaftar Bagi Kelulusan Permohonan Oleh Pihak Luar Menjalankan Aktiviti Melibatkan Murid, Guru dan Institusi Pendidikan Kementerian Pendidikan Malaysia** serta surat **Bahagian Sektor Operasi Sekolah, Kementerian Pendidikan Malaysia KPM.600-8/2/7Jld.18(28) bertarikh 18 Februari 2021** di samping mematuhi syarat-syarat berikut:

- 4.1 Mendapatkan kebenaran daripada Pengetua / Guru Besar sekolah yang terlibat terlebih dahulu; (**Rujukan: Perkara 3.1, Surat Pekeliling Ikhtisas Bil. 10/2011**);
- 4.2 Surat kebenaran/kelulusan ini tidak boleh diguna pakai bagi maksud untuk mendapatkan sumbangan dan tajaan daripada mana-mana pihak berkenaan;
- 4.3 Penyertaan murid dan guru hendaklah tidak mengganggu atau menjejaskan proses pengajaran dan pembelajaran mereka;
- 4.4 Penganjur bertanggungjawab menjaga keselamatan dan kebajikan murid yang terlibat dengan program ini;
- 4.5 Murid-murid, guru-guru, warga sekolah mahupun pihak sekolah sendiri tidak boleh dipaksa atau diwajibkan terlibat dengan program ini;

...2/-

- 4.6 Penyertaan murid-murid hendaklah mendapat kebenaran secara bertulis daripada ibu bapa atau penjaga;
- 4.7 Guru-guru pengiring hendaklah dilantik oleh pihak sekolah mengiringi murid-murid ke program atau aktiviti berkenaan;
- 4.8 **Tiada implikasi kewangan kepada Kementerian Pendidikan Malaysia, Jabatan Pendidikan Wilayah Persekutuan Kuala Lumpur, Pejabat Pendidikan Daerah, sekolah, guru dan murid yang terlibat;**
- 4.9 Pihak penganjur hendaklah bertanggungjawab menanggung semua kos penganjuran program atau aktiviti yang dianjurkan termasuk pengangkutan, makan dan minum;
- 4.10 Pihak penganjur dimohon agar mengemukakan satu salinan laporan program dalam tempoh 30 hari selepas pelaksanaan program tersebut;
- 4.11 Jabatan ini berhak menarik balik surat kelulusan/kebenaran sekiranya pihak YBrs. Dr. gagal mematuhi syarat dan peraturan yang ditetapkan atau bercanggah dengan dasar KPM yang sedang berkuatkuasa.

5. Untuk makluman YBrs. Dr., pihak KPM sedang berusaha Melindungi Masa Instrukional (MMI), iaitu masa pengajaran dan pembelajaran (PdP) murid. Oleh yang demikian, pihak KPM mencadangkan supaya penyertaan murid-murid bagi program tersebut diadakan di luar waktu PdP agar tidak menjejaskan waktu pengajaran dan pembelajaran murid; dan dilaksanakan di luar waktu persekolahan atau pada hari **Sabtu yang dibenarkan sahaja**.

6. Kelulusan ini hanya untuk tujuan dipohon sahaja dan luput selepas tarikh **9 Disember 2021**.

Sekian, terima kasih.

**"PRIHATIN RAKYAT: DARURAT MEMERANGI COVID-19"**

**"BERKHIDMAT UNTUK NEGARA"**

Saya yang menjalankan amanah,

**(ZAINAL BIN ABAS)**

Pengarah Pendidikan

Jabatan Pendidikan Wilayah Persekutuan Kuala Lumpur

- s.k
1. Timbalan Pengarah Pendidikan, Sektor Pembangunan Murid.
  2. Pegawai Pendidikan Daerah, Pejabat Pendidikan Daerah Keramat, Kuala Lumpur.
  3. Pegawai Pendidikan Daerah, Pejabat Pendidikan Daerah Bangsar dan Pudu, Kuala Lumpur.
  4. Pegawai Pendidikan Daerah, Pejabat Pendidikan Daerah Sentul, Kuala Lumpur.
  5. Pengetua, Sekolah Menengah Kebangsaan, Kuala Lumpur.
  6. Guru Besar Sekolah Kebangsaan/Sekolah Jenis Kebangsaan (Cina/Tamil), Kuala Lumpur

*Haliza Hadfifah Razali*